



CONVENIO DE COLABORACIÓN ENTRE A VICEPRESIDENCIA SEGUNDA E CONSELLERÍA DE ECONOMÍA, EMPRESA E INNOVACIÓN E A CÁMARA OFICIAL MINEIRA DE GALICIA PARA A REALIZACIÓN DE ESTUDOS E OUTRAS ACTUACIÓNS ESPECÍFICAS DE FOMENTO DA SUSTENTABILIDADE NA MINERÍA

Santiago de Compostela, 14 outubro de 2020

REUNIDOS:

Don Francisco José Conde López, en representación da Vicepresidencia segunda e Consellería de Economía, Empresa e Innovación da Xunta de Galicia, nomeado polo Decreto 112/2020, de 6 de setembro, no exercicio das competencias que lle atribúe o artigo 34 da Lei 1/1983, de 22 de febreiro, de normas reguladoras da Xunta e da súa Presidencia.

E doutra parte, don **José Lista Tasende**, como Presidente da Cámara Oficial Mineira de Galicia (en adiante COMG), entidade domiciliada na Coruña, **rúa Juan Flórez 33-35 entresollado esquerdo**, segundo consta na Acta da Xunta Directiva extraordinaria, celebrada telematicamente o día 30/06/2020, para a constitución da nova Xunta Directiva e nomeamento de cargos da COMG.

Ambos actúan no exercicio dos seus cargos e, na representación que ostentan, recoñécense capacidade para obrigarse nos termos deste convenio de colaboración e para o efecto

EXPOÑEN:

Primeiro.- O artigo 48.1 da Lei 40/2015, do 1 de outubro, de réxime xurídico do Sector Público, establece que as Administracións Públicas, os seus organismos públicos e entidades de dereito público vinculados ou dependentes e as Universidades públicas, no ámbito das súas respectivas competencias, poden subscribir convenios con suxeitos de dereito público e privado, sen que iso poida supoñer cesión da titularidade da competencia, sinalando no seu apartado 3 que a subscrición de convenios deberá mellorar a eficiencia da xestión pública, facilitar a utilización conxunta de medios e servizos públicos, contribuír a realización de actividades de utilidade pública e cumprir coa lexislación de estabilidade orzamentaria e sustentabilidade financeira.

Segundo.- O Decreto 130/2020, do 17 de setembro, polo que se fixa a estrutura orgánica das vicepresidencias e das consellerías da Xunta de Galicia, inclúe entre os órganos superiores e de dirección da Vicepresidencia segunda e Consellería de Economía, Empresa e Innovación, a Dirección Xeral de Planificación Enerxética e Recursos Naturais, establecendo na súa disposición transitoria segunda que “Os órganos superiores e de dirección e os seus órganos dependentes manterán a súa

estrutura e funcións, reguladas nos correspondentes decretos de estrutura orgánica, ata que se proceda ao desenvolvemento da estrutura contida neste decreto”.

En consecuencia, en virtude do Decreto 135/2017, do 28 de decembro, polo que se establece a estrutura orgánica da Consellería de Economía, Emprego e Industria, correspóndelle á Vicepresidencia segunda e Consellería de Economía, Empresa e Innovación (en diante VCEEI), a través da Dirección Xeral de Planificación Enerxética e Recursos Naturais, a dirección, coordinación, planificación, execución, seguimento e control das competencias e funcións da Consellería en materia de minas.

Terceiro.- A creación das Cámaras Mineiras en España remóntase ao Real Decreto do 23 de setembro de 1921, a través do seu artigo 9, asignándoselles, en xeral, o fomento da industria mineira e, máis en concreto, a elaboración de estudos e informes e a contribución á formación de estatísticas mineiras.

A Lei Orgánica 1/1981, do 6 de abril, do Estatuto de Autonomía de Galicia, establece no seu artigo 27.29 que lle corresponde a competencia exclusiva á Comunidade Autónoma galega no relativo a Confrarías de Pescadores, Cámaras da Propiedade Agrarias, de Comercio, Industria e Navegación, e outras de natureza equivalente, sen prexuízo do que dispón o artigo 149 da Constitución.

A lexislación básica estatal en materia de cámaras está constituída pola Lei 4/2014, do 1 de abril, Básica das Cámaras Oficiais de Comercio, Industria, Servizos e Navegación, que ten por obxecto establecer a regulación básica das Cámaras Oficiais de Comercio, Industria, Servizos e, no seu caso, Navegación. No artigo 3 esta lei, a maiores da finalidade propia das Cámaras (fomento dos intereses xerais da industria, comercio, servizos e navegación, e prestación de servizos ás empresas) prevé o exercicio de competencias de carácter público atribuídas pola dita lei ou asignadas polas Administracións Públicas que se detallan no seu artigo 5 e entre as que figuran expresamente “ser órgano de asesoramento das Administracións Públicas” (art. 5.1.c)) e elaborar estatísticas, enquisas de avaliación e estudos (art. 5.2.e))

O Real Decreto 669/2015, de 17 de xullo, polo que se desenvolve a Lei 4/2014, do 1 de abril, Básica das Cámaras Oficiais de Comercio, Industria, Servizos e Navegación, inclúe determinados artigos de carácter básico, de acordo co indicado na súa disposición final primeira.

Pola súa banda, a Lei 5/2004, do 8 de xullo, de Cámaras Oficiais de Comercio, Industria e Navegación de Galicia, sen prexuízo de que ten por obxecto “a regulación das cámaras oficiais de comercio, industria e, se é o caso, navegación, da Comunidade Autónoma de Galicia”, dispón no artigo 57 na súa alínea primeira que “As cámaras de Galicia e o Consello Galego de Cámaras rexeranse polo establecido nesta lei e nas súas normas de desenvolvemento, nos respectivos regulamentos de réxime interior e na Lei 3/1993, do 22 de marzo, básica das cámaras oficiais de comercio, industria e navegación.”

Cuarto.- O Regulamento de Réxime Interior da Cámara Oficial Mineira de Galicia de 30 de marzo de 2016 indica no seu artigo 2 alínea primeira que “A Cámara Oficial Mineira de Galicia é unha corporación de dereito público, sen ánimo de lucro, que se configura como órgano consultivo, de asesoramento e colaboración cos poderes públicos, especialmente coa Administración da



Comunidade Autónoma de Galicia, sometido á tutela da Consellería da Xunta de Galicia con competencia en minería. Para o cumprimento dos seus fins e exercicio das súas funcións goza de personalidade xurídica propia e plena capacidade de obrar. A súa estrutura e funcionamento deberán ser democráticos e suxeitarse ás disposicións do presente Regulamento.”

Segundo o artigo 3 do citado Regulamento de réxime interior, a COMG “ten como finalidade a representación, fomento, promoción e defensa dos intereses xerais da industria mineira en Galicia, con especial atención á compatibilización coa protección do medio ambiente, a integración social e territorial, a innovación, a formación e a seguridade e saúde laboral das actividades mineiras, así como a prestación de servizos aos seus socios. Así mesmo, exercerá as competencias de carácter público que lle atribúe a lexislación relativa ás Cámaras Oficiais Mineiras e as que lles poidan ser asignadas polas Administracións Públicas de acordo cos instrumentos que establece o ordenamento xurídico”.

Quinto.- De conformidade coa Axenda 2030 para o desenvolvemento sustentable de NN.UU., a sustentabilidade conxuga tres dimensións: económica, social e ambiental. Neste senso, o desenvolvemento sustentable, entendido como a conxunción de progreso económico, xustiza social e protección medioambiental, implica non só a aplicación das técnicas máis respectuosas co medio ambiente e coa preservación dos ecosistemas naturais e a rehabilitación do espazo natural afectado, senón tamén a integración social da actividade económica e a creación de valor para a comunidade social afectada, tanto durante o desenvolvemento da explotación como unha vez rematada esta, reconvertendo antigas infraestruturas mineiras en motores de desenvolvemento económico e social, contribuíndo á sustentabilidade social e territorial, ademais de preservar o legado histórico e cultural de Galicia.

Sexto.- A aplicación efectiva do principio de desenvolvemento sustentable no ámbito da minería non só supón un obxectivo primordial para a VCEEI compartido pola COMG senón o marco no que, de conformidade coa Axenda 2030 e cos obxectivos da Unión Europea e a lexislación comunitaria, han de desenvolverse as políticas públicas para o sector da minería.

Sétimo.- Así mesmo, para promover a transición da Comunidade Autónoma de Galicia cara a unha economía circular seguindo as premisas impostas no ámbito comunitario (recollidas no Plan de Acción para a Economía Circular da Comisión Europea 2015) e no ámbito estatal (“Estratexia Española de Economía Circular, España Circular 2030”), no Consello da Xunta de Galicia celebrado o 12 de decembro de 2019 aprobouse a Estratexia Galega de Economía Circular 2020-2030, coa que a Xunta de Galicia quere impulsar un cambio na próxima década que permita substituír o noso sistema económico lineal por outro máis eficiente e racional, baseado na recuperación de materiais e que poña en valor os recursos identificados como característicos do territorio, entre os que se atopan os recursos mineiros (granito, lousa, etc.), obtidos mediante o uso de tecnoloxías máis limpas e con prácticas sustentables.

Oitavo.- No contexto descrito, tendo en conta a configuración da COMG como órgano consultivo, de asesoramento e colaboración cos poderes públicos, especialmente coa Administración da



Comunidade Autónoma de Galicia e, así mesmo, a súa finalidade esencial de representación, fomento, promoción e defensa dos intereses xerais da industria mineira en Galicia con atención específica á compatibilización de tales intereses coa protección do medio ambiente e á integración social e territorial, considérase que pola súa natureza, fins, funcións, coñecemento e capacidade de interlocución co sector, a COMG constitúe a entidade idónea para levar a cabo os estudos e actuacións que son obxecto deste convenio que se pretende que sexan de utilidade para o deseño de políticas públicas para a aplicación efectiva do principio de sustentabilidade no ámbito da minería.

Noveno.- Na Lei 6/2019, do 23 de decembro, de orzamentos xerais da Comunidade Autónoma de Galicia para o ano 2020, figura a aplicación orzamentaria 09.20.734A-640.0 na que existe crédito dispoñible suficiente.

En consecuencia, as partes acordan subscribir este convenio de conformidade coas seguintes:

CLÁUSULAS

Primeira.- Obxecto e descrición das actuacións

1.- Este convenio ten como obxecto regular a colaboración entre a Vicepresidencia segunda e Consellería de Economía, Empresa e Innovación e a Cámara Oficial Mineira de Galicia e concretar as funcións de asesoramento, realización de estudos e outras actuacións específicas en materia de promoción da sustentabilidade no sector mineiro que a COMG desenvolverá en execución deste convenio.

2.- As actuacións concretas obxecto do convenio son as que se describen a continuación:

a) Diagnose da situación actual do sector da minaría de Galicia e perspectivas de futuro cara unha minería sustentable

Tendo en conta a particular situación económica xeral derivada da declaración do estado de alarma polo Real Decreto 463/2020, de 14 de marzo, e das demais medidas adoptadas para afrontar a situación de pandemia ocasionada polo COVID-19, considérase necesaria a elaboración dun estudio que permita coñecer en tempo real, cando menos de modo indiciario cos datos dispoñibles, a situación actual da minería en Galicia e realizar unha valoración preliminar da incidencia do contexto económico no sector.

Trátase de analizar como teñen afectado as medidas adoptadas á evolución da industria mineira galega, tanto en termos de produtividade como en termos de emprego e, en particular, como afectan aos procesos de implantación de técnicas e prácticas sustentables na minería.

Unha vez establecida a diagnose preliminar da situación actual, tendo en conta a incertidume que a evolución futura da pandemia introduce no contexto produtivo e económico e tendo en conta as circunstancias concorrentes da denominada “nova normalidade”, o estudio



explorará as perspectivas de futuro do sector mineiro galego, con atención ao futuro máis inmediato e, no seu caso, co establecemento de máis dun escenario.

En concreto, o estudio abordará as debilidades e fortalezas que o sector mineiro galego presenta, nas circunstancias indicadas, para acadar o reto da implantación efectiva do principio de sustentabilidade no desenvolvemento das actividades mineiras. Será obxectivo específico do estudo poñer de manifesto oportunidades e retos que se presentan na situación actual para aproveitar os cambios que toda crise implica para a aplicación efectiva do dito principio, mediante a innovación tanto tecnolóxica como organizativa e operacional.

Como obxectivo final, o estudo poñerá de manifesto conclusións que coaduxen á definición de políticas públicas no sector da minería de Galicia.

Se ben o estudio se encarga directamente á COMG, no marco deste convenio, como entidade coordinadora e directora de tal estudio, a dita entidade ha de procurar a participación, tanto mediante enquisas, consultas, intercambio de opinións, etc, como mediante a toma en consideración de materiais e estudos previos, doutras entidades ou organizacións con representatividade ou incidencia no sector, tales como COMIMROC, CONFEDEM, etc.

b) Selección de indicadores de sustentabilidade no desenvolvemento da actividade mineira aplicables ás explotacións mineiras galegas

A VCEEI considera especialmente relevante establecer un sistema de indicadores que permita avaliar e medir o grao de implantación do principio de sustentabilidade no desenvolvemento da actividade das explotacións mineiras galegas. Para iso, encárgase a realización dun estudio que teña como obxectivo específico a definición de tal sistema, da súa metodoloxía e dos indicadores concretos que o conformen. O sistema basearase nos indicadores xa definidos a nivel nacional e internacional, en particular no marco dos procedementos de verificación de sistemas de xestión mineira sustentables, e implicará unha selección e adaptación dos ditos indicadores tendo en conta as particularidades propias do sector mineiro galego, podendo deseñarse para cada un dos principais subsectores da minería galega, atendendo ás súas específicas características. En todo caso, ha de definirse un sistema cuxa aplicación resulte factible nunha ulterior fase de implementación do mesmo, a través de enquisas, análise de datos recollidos *ad hoc* ou facilitados en cumprimento das obrigas establecidas na normativa vixente, ou outras actuacións de comprobación, prevéndose no estudio o seu modo de execución así como un permanente proceso de autoavaliación e mellora.

c) Apoio á implantación nas explotacións mineiras galegas de sistemas de xestión mineira sustentable:

Apoio da Administración mineira galega á implantación en explotacións mineiras galegas das Normas UNE 22470: 2019 “Sistema de xestión mineiro-mineralúrxica-metalúrxica sustentable. Indicadores” e UNE 22480: 2019 “Sistema de xestión mineiro-mineralúrxica-



metalúrxica sustentable. Requisitos”, normas de AENOR que acreditan a implantación dun Sistema de Xestión Mineira Sustentable (SXMS) ou outras equivalentes.

Inclúe:

- Deseño e desenvolvemento web para a difusión de información divulgativa sobre sistemas de xestión mineira sustentable existentes e sobre os requisitos necesarios para a súa certificación. Implica a elaboración de materiais e contidos informativos *ad hoc* a modo de guía operativa sobre o proceso de implantación dos ditos sistemas. Así mesmo, incluírá a difusión das experiencias de implantación de ditos sistemas en empresas mineiras galegas.

Estes contidos desenvolveranse especificamente para a súa difusión a través da páxina institucional da Vicepresidencia segunda e Consellería de Economía, Empresa e Innovación, sen prexuízo do obxectivo da súa máxima difusión a través de enlaces a outras webs de interese para o sector que considere a COMG.

- Definición de procedementos de asesoramento e acompañamento ás explotacións mineiras no proceso de implantación e certificación de sistemas de xestión mineira sustentable, difusión dos mesmos entre o sector e execución, no seu caso. Elaboración, en xeral, de propostas de medidas para a incentivación dende o sector público da implantación de sistemas de xestión mineira sustentable.

Segunda.- Interese público concorrente

Nos termos descritos na parte expositiva, as actuacións descritas na cláusula anterior, consonte coas finalidades e funcións da COMG, teñen como obxectivo último a promoción da aplicación efectiva do principio de desenvolvemento sustentable no ámbito da minería, partindo da diagnose da situación actual do sector, no particular contexto económico vixente.

Terceira.- Custo das actuacións

1.- O custo total das actuacións obxecto do convenio estímase en **CORENTA MIL EUROS (40.000,00 €)**, IVE incluído, o cal se detalla a continuación por tipos de actuacións:

TIPOS DE ACTUACIÓNS	ORZAMENTO
a. Diagnose da situación actual do sector da minaría de Galicia e perspectivas de futuro cara unha minería sustentable	25.000,00
b. Selección de indicadores de sustentabilidade no desenvolvemento da actividade mineira aplicables ás explotacións mineiras galegas	10.000,00
c. Apoio á implantación nas explotacións mineiras galegas de sistemas de xestión mineira sustentable	5.000,00
TOTAL CONVENIO 2020	40.000,00



Inclúese como anexo I a este convenio unha memoria, con carácter meramente estimativo, na que se contén o detalle do orzamento por actividades.

2.- Calquera modificación das cláusulas deste convenio deberá ser solicitada á Consellería, quen decidirá sobre a súa procedencia e, no caso de aceptarse, levarase a cabo a súa formalización mediante a correspondente addenda.

Sen prexuízo do anterior e sen necesidade de instar o procedemento de modificación do convenio, poderanse aceptar variacións nas partidas de gasto das distintas actuacións coa limitación do 10 %, é dicir, admitirase como válido o gasto da cantidade concedida para cada tipo de actuacións máis un desvío producido como máximo do 10%, sempre que non aumente o importe total do gasto aprobado e que non se desvirtúen as características das actuacións.

Cuarta.- Obrigas da Vicepresidencia segunda e Consellería de Economía, Empresa e Innovación

1.- Para o financiamento dos gastos que xeren as actividades obxecto deste convenio que se recollen na cláusula primeira, a Xunta de Galicia, a través da VCEEI, achegará con cargo aos orzamentos xerais da Comunidade Autónoma para o ano 2020, ata un máximo de **CORENTA MIL EUROS (40.000,00 €)** con cargo a aplicación orzamentaria **09.20.734A-640.0**, proxecto 2015/00267, na que existe crédito adecuado e suficiente para tal fin, sen que en ningún caso a obriga de financiamento da VCEEI poda exceder da cantidade de 40.000,00 €.

2.- No suposto de que se produzan variacións á baixa no custo final das actuacións derivadas de procedementos de contratación ou doutras causas, a achega da Vicepresidencia segunda e Consellería de Economía, Empresa e Innovación non superará o custo final das actuacións nin excederá de 40.000,00 €.

3.- A VCEEI, a través da Dirección Xeral de Planificación Enerxética e Recursos Naturais, realizará funcións de coordinación para o desenvolvemento e bo fin deste convenio, facilitará a colaboración e cooperación que resulte necesaria para a súa axeitada execución e desempeñará calquera outra función que resulte de mutua conveniencia por razón do obxecto do convenio.

Quinta.- Obrigas específicas da COMG

1.- Á COMG correspóndelle realizar todas as actuacións necesarias para a execución das actuacións obxecto deste convenio e cumprir as condicións e obrigas recollidas nel.

2.- Co obxecto de garantir a adecuada execución do convenio asumirá a dirección do desenvolvemento das actuacións e asignará os medios humanos e materiais que sexan necesarios e, no seu caso, poderá subcontratar ata o 80% dos servizos precisos para desenvolver as actuacións recollidas na cláusula primeira do convenio. En todo caso, a COMG asumirá a total responsabilidade da execución da actividade fronte á Administración.

3.- Sen prexuízo das demais obrigas especificadas nas cláusulas deste convenio, así como das obrigas que resulten da normativa aplicable, a COMG comprométese a executar as actuacións descritas na cláusula primeira nos termos seguintes:



- a) Destinar os fondos que perciba ao obxecto concreto deste convenio no período comprendido entre a data de sinatura deste convenio e o 20 de decembro de 2020.
- b) Xustificar ante a Xunta de Galicia o cumprimento do convenio e a execución das actuacións que constitúen o obxecto deste así como o seu custo real, no tempo e na forma establecidas neste convenio.

Sexta.- Gastos financiáveis

Consideraranse financiáveis os gastos que de xeito indubidable respondan á natureza das actividades obxecto deste convenio, estean directamente relacionados co obxecto das actuacións financiadas, se correspondan coas actividades relacionadas nos epígrafes da cláusula primeira para cada actuación e se realicen dentro do período comprendido entre a sinatura deste convenio e o 20 de decembro de 2020.

Considerarase gasto realizado o efectivamente pagado con anterioridade á finalización do período de xustificación. En ningún caso o custo correspondente aos gastos realizados poderá ser superior ao valor de mercado.

Cando o importe do gasto subcontratado supere as contías establecidas na Lei 9/2017, do 8 de novembro, de Contratos do Sector Público, pola que se transpoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, para o contrato menor, a COMG deberá solicitar como mínimo tres ofertas de diferentes provedores, con carácter previo á contratación do compromiso para a obra, prestación do servizo ou entrega do ben, salvo que polas súas especiais características non exista no mercado suficiente número de entidades que as realicen, presten ou subministren.

Consideraranse financiáveis os gastos de administración específicos directamente relacionados coas actuacións financiadas e indispensables para a adecuada preparación ou execución das mesmas.

Os gastos directos figurarán desagregados, por tipo de actuación e por actividades concretas, segundo os cadros 1 e 2 do anexo II do texto deste convenio.

Os gastos indirectos formarán parte da xustificación sempre que se imputen pola COMG ás actividades obxecto do convenio e sempre que tales custos correspondan ao período no que efectivamente se realiza a actividade, sen que o seu importe poida superar o límite do 10% respecto do importe total financiável.

Os gastos indirectos figurarán desagregados por tipo de actuación e actividade concreta, segundo os cadros 3 e 4 do anexo II do texto deste convenio.

O imposto sobre o valor engadido considerarase financiável cando non sexa susceptible de recuperación ou compensación por parte da COMG.

En ningún caso se considerarán financiáveis os seguintes gastos:

- Os de amortización de elementos inventariables.
- Os gastos financeiros.



- Os gastos de garantía bancaria.
- Os intereses debedores das contas bancarias.
- Os intereses, recargos e sancións administrativas e penais.
- Os gastos de procedementos xudiciais.

Sétima.- Transparencia e publicidade

1.- As partes asinantes deste convenio consenten expresamente o tratamento dos datos relevantes deste convenio, incluídos os datos de carácter persoal, e a súa publicación no Diario Oficial de Galicia e/ou na páxina web da VCEEI, de acordo co establecido na normativa sobre transparencia e goberno aberto.

2.- Do mesmo xeito, de acordo co establecido na disposición adicional primeira do Decreto 132/2006, do 27 de xullo, polo que se regulan os rexistros públicos de axudas, subvencións e convenios e de sancións da Xunta de Galicia, as partes asinantes deste convenio consenten expresamente a inclusión e publicidade dos datos relevantes nos rexistros públicos que proceda.

3.- En toda a información e publicidade das actividades obxecto deste convenio farase constar, nun lugar destacado, o financiamento da VCEEI e utilizaranse, cando proceda, a imaxe corporativa institucional da Xunta de Galicia.

Oitava.- Relación laboral coa consellería

A subscrición deste convenio non leva consigo relación laboral, contractual ou de calquera outro tipo entre os profesionais que vaian desenvolver as actuacións obxecto deste convenio e a Xunta de Galicia, de maneira que non se lle poderá esixir responsabilidade algunha, nin directa nin subsidiaria, polos actos ou feitos acaecidos no desenvolvemento do mesmo.

Novena.- Conta xustificativa

1.- A COMG terá de prazo para presentar a documentación xustificativa do gasto ata o 20 de decembro de 2020.

En relación aos gastos de persoal, a COMG acreditará, mediante certificación expedida ao efecto, os gastos correspondentes a actuacións efectivamente realizadas dentro do período de vixencia do convenio e dos que non existira a posibilidade de ser aboados antes da data límite prevista para a súa xustificación. Para os efectos de control e verificación dos gastos incluídos neste suposto, a documentación adicional acreditativa destes pagamentos presentarse, en todo caso, antes do 31 de xaneiro de 2021.

2.- A xustificación do cumprimento das condicións impostas e da consecución dos obxectivos previstos neste convenio realizarase mediante a presentación por parte da COMG da seguinte documentación:

- a) Declaración responsable do representante legal da entidade ou da persoa que teña atribuídas as facultades para o rendemento da conta xustificativa, do cumprimento da finalidade do convenio



e da aplicación dos fondos destinados para tal efecto.

b) Declaración responsable do rendemento da conta xustificativa, segundo o modelo recollido no Anexo II, que inclúa o seguinte:

- Memoria xustificativa das actuacións desenvolvidas, asinada polo representante da entidade, que certificará a veracidade do consignado, na que se especificarán as actividades concretas realizadas e os resultados obtidos, así como a súa relación directa cos gastos realizados na execución das actuacións financiadas, conforme á desagregación orzamentaria establecida na cláusula terceira do convenio.

Achegarase o resultado dos estudos e traballos realizados indicados na cláusula primeira acompañando dous exemplares dos mesmos tanto en formato papel como en formato electrónico (CD ou DVD).

- Memoria económica abreviada xustificativa do custo das actividades realizadas ao abeiro deste convenio que conterá unha relación clasificada das actividades realizadas e dos gastos de cada actividade, con identificación do acredor e do documento, o seu importe, data de emisión e data de pagamento. Esta táboa virá asinada e selada polo responsable legal da entidade. Os gastos figurarán ordenados e desagregados por actividade. Ademais do formato papel entregarse en formato dixital, como folla de cálculo, de acordo aos modelos establecidos no anexo II.

Achegaranse os orixinais ou fotocopias compulsadas das facturas ou outros documentos contables de valor probatorio equivalente relacionados na memoria económica, acompañados dos comprobantes do seu pagamento en orixinal ou fotocopia compulsada. No caso de que os gastos sexan de persoal que participase na execución das actividades obxecto deste convenio, deberanse presentar as nóminas correspondentes e os comprobantes do seu pagamento. Presentarase adxunto a cada documento de gasto o seu correspondente documento de pagamento.

c) Declaración responsable relativa á titularidade da conta onde se debe realizar o pagamento.

d) Declaración responsable relativa á situación da entidade en relación ao imposto sobre o valor engadido (IVE).

Os órganos competentes da VCEEI poderán solicitar as aclaracións ou informes relativos á xustificación do investimento que consideren convenientes.

Décima.- Comisión de seguimento

1. A comisión de seguimento estará formada por un representante da VCEEI e un representante da COMG.

A comisión rexerese polo establecido na Lei 40/2015, do 1 de outubro, de Réxime xurídico do Sector Público.



2.- As funcións da comisión serán:

- a) Facilitar a coordinación entre as partes asinantes
- b) Seguimento da execución do obxecto do convenio e do cumprimento das súas cláusulas
- c) Interpretación do convenio e resolución de dúbidas
- d) Proposta, de ser o caso, de addendas
- e) Calquera outras relacionadas co desenvolvemento e bo fin deste convenio

Décimo primeira.- Dereitos de uso e propiedade industrial e intelectual.

Os dereitos de propiedade intelectual e industrial sobre a totalidade das creacións resultado deste convenio, son titularidade conxunta da Vicepresidencia segunda e Consellería de Economía, Empresa e Innovación e da COMG.

As partes necesitan a autorización expresa da outra para proceder a edición, representación, gravación e reprodución audiovisual, informática, ou por calquera outro medio, formato o soporte, do resultado e dos materias froito do desenvolvemento do proxecto.

Décimo segunda.- Extinción do convenio e causas de resolución

1.- Este convenio extínguese polo cumprimento total das actuacións que constitúen o seu obxecto ou por incorrer en causa de resolución.

2.- Son causas de resolución deste convenio:

- a) O incumprimento total ou parcial do obxecto do convenio así como o incumprimento de calquera das cláusulas e obrigas establecidas nel.
- b) O acordo unánime das partes asinantes
- c) A decisión xudicial declaratoria da nulidade do convenio
- d) Calquera outra causa prevista nas leis

De resolverse o convenio, a VCEEI poderá esixir o reintegro das cantidades achegadas, de ser o caso.

Décimo terceira.- Vixencia do convenio

1.- Este convenio entrará en vigor ao día da súa sinatura e esténdese ata o 20 de decembro de 2020.

2.- Este convenio é susceptible de prórroga sempre que, antes da finalización do prazo previsto no parágrafo anterior, as partes asinantes tramiten e subscriban a correspondente addenda.

Décimo cuarta.- Natureza xurídica e réxime xurídico

1.- Este convenio ten natureza administrativa de conformidade coa Lei 40/2015, do 1 de outubro, de réxime xurídico do Sector Público e queda excluído do ámbito de aplicación da Lei 9/2017, do 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de



2014, en virtude do establecido nos seus artigos 4 e 6, sen prexuízo da aplicación dos principios do devandito texto legal para resolver as dúbidas e lagoas que puideran presentarse.

2.- Este convenio rexeráse polas súas propias cláusulas e está suxeito ao disposto no Acordo da Xunta de Galicia, do 27 de marzo de 1991, sobre convenios de cooperación con outros entes públicos e de colaboración con particulares publicado mediante a resolución da Consellería de Economía e Facenda do 8 de abril de 1991 (DOG nº 82, do 30 de abril), así como ao disposto na Lei 1/2016, do 18 de xaneiro, de transparencia e bo goberno e na Lei 40/2015, do 1 de outubro, de réxime xurídico do Sector Público.

3.- As discrepancias que xurdan pola aplicación deste convenio serán resoltas, logo do informe ou proposta da comisión de seguimento, pola VCEEI, quedando as partes suxeitas á xurisdición contencioso-administrativa para a resolución de calquera conflito que puidese xurdir na súa aplicación.

Lido este documento, e en proba de conformidade, asínase polas partes, en triplicado exemplar, no lugar e data ao principio indicados.

O vicepresidente segundo e conselleiro de
Economía, Empresa e Innovación

O presidente da Cámara Oficial Mineira
de Galicia

Francisco José Conde López

José Lista Tasende



ANEXO I MEMORIA ECONÓMICA ESTIMATIVA

ACTUACIÓN	ORZAMENTO
a. Diagnose da situación actual do sector da minaría de Galicia e perspectivas de futuro cara unha minería sustentable	25.000
Total Gastos Directos	22.500
Total Gastos Indirectos	2.500
b. Selección de indicadores de sustentabilidade no desenvolvemento da actividade mineira aplicables ás explotacións mineiras galegas	10.000
Total Gastos Directos	9.000
Total Gastos Indirectos	1.000
c. Apoio á implantación nas explotacións mineiras galegas de sistemas de xestión mineira sustentable	5.000
Total Gastos Directos	4.500
Total Gastos Indirectos	500



ANEXO II MODELO DE CONTA XUSTIFICATIVA DA APLICACIÓN DOS FONDOS

D., como representante da COMG con NIF e enderezo en e parte no Convenio de colaboración coa Vicepresidencia segunda e Consellería de Economía, Empresa e Innovación para actuacións específicas de fomento da sustentabilidade na minería, por un importe de €, declara baixo a súa responsabilidade ter realizado un gasto por importe de€ e, en cumprimento do disposto na cláusula novena do devandito convenio, rende ante a dita Consellería a conta xustificativa do gasto realizado composto por unha **Memoria de Actuacións** que se acompaña e unha **Memoria Económica abreviada** xustificativa do custo das actividades realizadas que se acompaña e que inclúe os Cadros 1, 2, 3, 4 e 5.

En....., a de de 2020





XUNTA DE GALICIA

VICEPRESIDENCIA SEGUNDA E CONSELLERÍA
DE ECONOMÍA, EMPRESA E INNOVACIÓN
Dirección Xeral de Planificación Enerxética
e Recursos Naturais

CADRO 1: RELACIÓN DE GASTOS DIRECTOS (EXCEPTO PERSOAL PROPIO)

REF. (1)	Nome da actividade	Descrición do gasto (2)	Provedor	N.I.F. Provedor	Nº. Factura	Data emisión factura	Data pagamento factura	Importe neto factura	IVE (3) (non repercutible)	Custo total (IVE incluído)	Importe pagado
1											
2											
3											
4											
5											
6											
7											
8											
9											
11											
13											
XX											
TOTAL PÁXINA											

NOTAS explicativas:

- (1) Achegaranse os documentos segundo esta orde de referencia
- (2) Incluirase unha explicación clara e comprensiva do gasto imputado
- (3) IVE non repercutible soportado polo Beneficiario

Sinatura representante legal e selo da COMG



XUNTA DE GALICIA

VICEPRESIDENCIA SEGUNDA E CONSELLERÍA
DE ECONOMÍA, EMPRESA E INNOVACIÓN
Dirección Xeral de Planificación Enerxética
e Recursos Naturais

CADRO 2: RELACIÓN DE GASTOS DIRECTOS: GASTOS DE PERSOAL PROPIO

REF. (1)	Nome da actividade	Nome e apelidos	DNI	Posto de traballo (2)	Data de inicio (3)	Data Final (3)	Nº. total de horas anuais segundo o contrato (4)	Salario Bruto (5)	Custo SS a cargo da empresa	Salario bruto + custo SS a cargo da empresa	Custo hora (6)	Nº. Horas imputadas ao convenio	Custo total imputado ao convenio (7)
1													
2													
3													
4													
5													
6													
7													
8													
9													
XX													
TOTAL													

NOTAS explicativas:

- (1) Achegaranse os documentos segundo esta orde de referencia
- (2) Indicar o posto de traballo da persoa
- (3) Período de tempo adicado polo persoal a cada actividade por cada tipo de actuación.
- (4) Horas anuais do empregado segundo o contrato de traballo.
- (5) Salario bruto (antes de ningunha dedución)
- (6) Salario Bruto + Seguridade Social a cargo do Beneficiario / nº de horas totais efectivas (traballadas) no ano
- (7) Custo hora * Nº. horas imputadas a cada actividade do tipo de actuación

Sinatura representante legal e selo da COMG



XUNTA DE GALICIA

VICEPRESIDENCIA SEGUNDA E CONSELLERÍA
DE ECONOMÍA, EMPRESA E INNOVACIÓN
Dirección Xeral de Planificación Enerxética
e Recursos Naturais

CADRO 3: RELACIÓN DE GASTOS INDIRECTOS (EXCEPTO PERSOAL PROPIO)

REF (1)	Descrición do gasto (2)	Provedor	N.I.F. Provedor	Nº. Factura	Data emisión factura	Data pagamento factura	Importe neto factura	IVE (3) (non repercutible)	Custo total (IVE incluído)	Importe pagado	Custo imputado ao convenio
1											
2											
3											
4											
5											
6											
7											
8											
XX											
TOTAL											

% total imputado nesta tipoloxía de actuación en relación coa cantidade total financiada polo convenio: _____

NOTAS explicativas:

- (1) Achegaranse os documentos segundo esta orde de referencia
- (2) Incluirase unha explicación clara e comprensiva do gasto imputado
- (3) IVE non repercutible soportado

Sinatura representante legal e selo da COMG



XUNTA DE GALICIA

VICEPRESIDENCIA SEGUNDA E CONSELLERÍA
DE ECONOMÍA, EMPRESA E INNOVACIÓN
Dirección Xeral de Planificación Enerxética
e Recursos Naturais

CADRO 4: GASTOS INDIRECTOS DE PERSOAL PROPIO

REF. (1)	Nome e apelidos	DNI	Posto de traballo (2)	Data de inicio (3)	Data Final (3)	Nº. total de horas anuais segundo ou contrato (4)	Salario Bruto (5)	Custo SS a cargo dá empresa	Salario bruto + custo SS a cargo dá empresa	Custo hora (6)	Nº. Horas imputadas á actuación	Custo total imputado á actuación (7)
1												
2												
3												
4												
5												
6												
7												
8												
9												
XX												
TOTAL												

NOTAS explicativas:

- (1) Achegaranse os documentos segundo esta orde de referencia
- (2) Indicar o posto de traballo da persoa
- (3) Período de tempo adicado polo persoal a cada actividade por cada tipo de actuación.
- (4) Horas anuais do empregado segundo o contrato de traballo.
- (5) Salario bruto (antes de ningunha dedución)
- (6) Salario Bruto + Seguridade Social a cargo do Beneficiario / nº de horas totais efectivas (traballadas) no ano
- (7) Custo hora * Nº. horas imputadas a cada actuación

Sinatura representante legal e selo da COMG



XUNTA DE GALICIA

VICEPRESIDENCIA SEGUNDA E CONSELLERÍA
DE ECONOMÍA, EMPRESA E INNOVACIÓN
Dirección Xeral de Planificación Enerxética
e Recursos Naturais

CADRO 5: RESUMO GASTOS DO CONVENIO

Cantidade total financiada polo convenio: _____

Tipo de gasto				TOTAL
Gastos directos (excepto persoal propio)				
Gastos directos (persoal propio)				
SUBTOTAL GASTOS DIRECTOS				
Gastos indirectos (excepto persoal propio)				
Gastos indirectos de persoal propio				
SUBTOTAL GASTOS INDIRECTOS				
TOAL GASTOS				

Tipo de actuacións		% de gastos indirectos imputados en relación coa cantidade total financiada
1	a. Diagnose da situación actual do sector da minaría de Galicia e perspectivas de futuro cara unha minería sustentable	
2	b. Selección de indicadores de sustentabilidade no desenvolvemento da actividade mineira aplicables ás explotacións mineiras galegas	
3	c. Apoio á implantación nas explotacións mineiras galegas de sistemas de xestión mineira sustentable	
TOTAL		

Sinatura representante legal e selo da COMG